

دائرة مخصوصه
در سعادتده باب عالی جوار ارنده

محل اداره :

مشرط القبر

اخطار :

مسلكمزه موافق آثار جديده مع المنويه
قبول او انور
درج ابدنهين آثار اعاده او ثناء

ديبر، فلسفه، علوم، مفروضه، ادبيات، سياست، و بالخاصه كرك سياسى و كرك اجتماعى و مدنى احوال و شئون اسلاميه و در بحث ايدى و هفته ده بر نشر از انور.

صاحب و مؤسسى :

ابوالعلا زين العابدين - ح . اشرف اديب

آبونه بدلى

سنه لكى
التى آيلنى

ممالك عثمانيه	ايچون	٦٥	٣٥	غروش
روسيه	»	٦٥	٣٥	روبله
سائر ممالك اجنبيه	»	١٧	٩	فرانق

تاريخ تأسيسى

١٠ تموز ٣٢٤

در سعادتده نسخه سى ٥٠ پاره در

قبراه دن مقوا بورو ايله كوندريلىر سه سنوى
٢٠ غروش فضله آلنير

غایت مهم برائے

حریتك فردای اعلان شدن اعتباراً نامتناهی رساله‌ها، غزته‌ها، کتاب‌های میدانه چیقیدی، بونلرك هپسی ایچون فائده‌لی دیمك دالقاووقلق اوله‌جفی کبی، هپسی ایچون فائده‌سز دیمك ده يك بایاغلیق اولور. اوت بی طرفانه، منصفانه برحکم ویرمك ایجاب ایدرسه ایکی سنه‌دن بری يك نافع، يك عالی اثرلر انتشار ایلکله برابر، يك مضر، يك رذیل جنایتنامه‌لرده اورته‌یه قوندی.

نه‌یابه‌لم! سعدینك

باران که در لطافت طبعش خلاف نیست؛

درباغ لاله روید و درشوره خار و خس.

دیدیکی کی مشروطیتك، سربستی، مطبوعاتك فیضی ده هر طبقه‌ده باشقه باشقه آثار حصوله کتریور.

نه‌مزه لازم! بزعمانیلرک منفعتی کوزه‌دیلرک یازیلان اثرلرک صاحب‌لرینه صمیمی تشکرلریمزی، حرمتلریمزی عرض ایدرز؛ اخلاق‌میده‌مزی آلت اوست ایتمك ایچون چیقاریلان ملوث صحیفه‌لرک‌ده یوزینه توکورور کچرز.

صراط‌مستقیمك دلائله انتشار ایدن (عالم اسلام) ایکی فورمه‌سی‌ده کوردم. ذاتاً عبدالرشید ابراهیم افندی حضرتلری سیاحتنامه‌لرینی نشر ایده‌جک‌لرینه دائر چوقدن وعده‌ده بولندقلری ایچون بزده کمال اشتیاق ایله خیلی زماندر بکلیوردق.

اوت، بلاد غربك احوالی تصویر ایده‌جک سیاحتنامه‌لره بزجه لزوم اولسه‌بیلله، احتیاج‌مزی برطرف ایتمك هر زمان المزده‌در. چونکه اوکی اثرلری کرک باشقه لساندن، کرک ترجمه‌لرندن بول‌بول اوقور، الحاصل اوروا حقنده ایستدیکمز قدر معلوماتی ایستدیکمز ائردن آله‌بیلیرز.

لکن آسیایی هانکی ائردن اوکره‌نه‌جکمز؟ اعتراف ایتلی‌یزکه دنیاده‌ک آز بیلدیکمز برقطعه وارسه اوده‌کندی منشأمز، کندی مملکت‌مز اولان آسیادر! بواسکی دنیاده‌کی بتمز توکنمز بلادک‌ک مشهورلرینی یالکمز اسم‌لرینی بیلیمک صورتیله طائیرز؛ اومتنوع اقلیم‌لرده یاشایان اقوامک لسانلرینه، اخلاق‌لرینه، عادت‌لرینه‌دائر، اوده یا کلش اولق شرطیله، یک آزشی بیلیرز.

واقعا غربلی سیاحلر شرقی‌ده کره‌درک برسیاحتنامه یازمشرسه‌ده اولره نه‌درجه‌یه‌قدر اعتماد اولنه بیلیر، بیلهم. ابراهیم یک مرحوم ایله برکون شامده اوطوریوردق. سوز‌مشارالیمک اوروپاده‌کی مستشرق‌لره بولوشدینی دوره انتقال ایتدی: بوراده اسمنی سویله‌مک برآزقابالق اوله‌جق، برمستشرق کندیسنه تیت حقنده یالان یا کلش بریغین معلومات ویررکن‌صول‌الی کوستره‌درک: «باق! نم بوالم‌ایشته اوراده سقط اولدی» دیمش. ابراهیم یک بوقعه‌یینه او مملکت‌ده برینه آکلانجه قارشیدنده‌کی: «های مسخره حریف‌های! سزه‌بویه سویلدی‌ها؟ آیول اوانادن طوغما سقطدر. حتی چوقوکن بز.

اونی چولاق! چولاق! دییه قیزدیرردق» دیمش.

شیمدی بوقدر جسور بریالانچیدن کیمسه‌ک کیدوب کورمه‌یه‌جکی مملکتلر حقنده نه‌لر بکله‌مزسکمز!

کرچک! بزم اولیا چلی مرحوم‌ده وار... لکن طوغروسی ایسترسه‌کر نم اونندن‌ده کوزم بیلیمشدر. آکلانسیلان مرحوم آره صره‌جذبیه کلیمش که اثرلرنده انجق مجذوبلردن صادر اوله‌جق روایتلر وار: بزم ایاصوفیه جامعک اوج‌پوز قاپیسی اولدیفنی، آلتندن براوجی تاقیه‌یه دایانان برکیزی یول بولندیفنی بن حضرتک بر اثرنده کوریمشدم. هرکسک بیلدیک ایاصوفیه حقنده بویه سویله‌ن برسیاح آراق چین‌ماچین فصلنده نه‌لر سویلر، یاخود نه‌لر سویله‌مز!

سوزی‌اوزاتمایلم، بز آسیامز حقنده طوغرو معلوماتی طوغرودن طوغرویه عبدالرشید ابراهیم افندی حضرتلرندن آله‌جفز. مشارالیه ژابونیا‌ده، چینده، هندستانده ایکن صراط‌مستقیم ایله نشر اولتان مکتوب‌لرینه عثمانلی طوپراغنه کلدکن صوکره، یینه‌صراطه درج ایدیلان خطبه‌لرینه کندیسنی سوکی قارئلریمزه طائیدیرمشد. اونک ایچون علو عرفاندن، فضائل اخلاقندن اوزون اوزادی‌یه بحث ایتیه‌جکمز.

حضرت آسیانک هرطرفی سنه‌لرجه کرمش، برقوجه قطعه‌ده ساکن انسانلرک ماضیسنی تحقیق ایتش، حالی تدقیق ایتش، بولرده سعادت کورمش‌سه اسبابی آرامش. سفالت کورمش‌سه منبعی تحریر ایتش. اولادینی، عیالنی، مملکتی صرف برحس جوشا جوش حیتله براقوب یوله چیقیدینی حالده کزدیکی یرلرده هیچ حس‌یاتنه محکوم اولماش. اوت، عالم اسلامک فلاحی ایچون چارپینوب طوران بومعظم قلب‌باشقه‌لرینک فضائله‌قارشی لاقیدقالماش: او، برحسوسی‌یه، ربودی‌یه عطف ایتدیک نظر تدقیق وانتقادی برمسلمانده عطف ایتش.

بوکون ذلت ایچنده، سفالت ایچنده چالقانوب‌طوران جهان‌اسلامک برچوق‌منظری، برچوق‌تظاهراتی زوال‌الی‌بی‌آدیم باشنده آغلانمش اولمله برابر اوطرافنی ائی کورمک ایچون کوزلرینی سیله سیله یولنده دوام ایلهمش. اوت، اوطوروب اغلامانک، شو اوج یوز مایونلق انسان کتله‌سنک حاله آجیانک هیچ بر فائده‌سی یوقدر. واسفا که جبلیت‌سز لریمز شرق طرفه‌دونوب باقانی‌مدنیت‌لرینه‌ذل صایدقلری‌کی، حیتیلریمزده مسلمانلرک فلا کتنه متأثر اولمله کندیلرینه وظیفه‌لرینی ایفا ایتش نظریله باقیورلر!

سز نم اوغرا دیغم مصیبتدن متأثر اولمشسکمز؛ یک اعلا! تشکرلر ایدرم. لکن بوتأثرکیزی بکا قولاً دکل، فعلاً بیلدیرسه‌کمز، یعنی نم دردی‌کی‌کزدن کلدیکی قدر تعدیله چالیشسه‌کزدها ائی اولمازمی ایدی؟ دوشونم‌لیسکمز که سز بکا دست‌مواساتی اوزاتمله یالکمز بر وظیفه انسانیت ایفا ایتیورسکمز، کندی حساب‌کمز، کندی موجودیت‌کمزده چالیشمش اولیورسکمز.

واقعا عبدالرشیدک بو سیاحتنامه‌سی انسانه اوقدر کیف ویرمیور. چونکه برچوق‌آجی حقیقتلری اولانجه آجیلغیله، اولانجه عریانلغیله

تب الى الله واسمع ما يقوله النصيح * واستعد ليوم الحشر ان هوله شديد *
يامن ثقل عليه الحلال وطاب لديه الحرام * يامن في الدنيا مانع وبالدن
ما قام * يامن شكي من ايامه ومنه تشكو الايام * حاسب نفسك ان يوم الحساب
عقيد * افق لنفسك واياك ان تضيع دينك كما ضيعت دنياك * التفت
لشأنك واعمل لمولاك كما عملت لهواك * خذ في اسباب السلامة كما
اخذت في اسباب الهلاك * اتق الله وكن من القوم العاملين * روى الامام
احمد عن ابن عباس قال قال رسول الله «ص»: الامر ثلاثة امرين رشد
فاتبعه وامر بين غيه فاجتنبه وامر اختلف فيه فكله الى الله عز وجل ...
صدق رسول الله.

على شيخ العرب

سكنجی قونفرانس:

علم و معرفت — غیرت و فعالیت

بروسه ده مکتب اعدادی ملکی با محاسبه سنده

سباع شهیر عبدالرشید ابراهیم افندی مضرندری طرفندره

۹۵ دن مابعد

بو کبی شیر اوزون اوزون مذا کره لره توقف ایدر. اویله عقلنه
کلن جمعیت یا پیغه قالیق شیرسه صو کرا مملکتده هیج بر شعبه فن
وصنعتده ایش کورولمک ممکن اولماز. یاییله حق شی حقنده کونلرجه
مداوله افکار اولنه حق. مضرتی، منفعتی پیش ملاحظه آلنه حق.
صو کرا پاره مسئله سی صو کدرجه بر انتظامه ربط اولنه حق. زیرا
بو کبی جمعیتلرک استقبالی پاره ایله تأمین اولنور. اگر پاره ایشلری
منظم بر قانونه ربط ایدیلرسه یا لکیز بر آدمه تسلیم ایله محافظه اولنه ماز.
بر آدم نه قدر امین اولسه ینه پاره خصوص سنده امنیت اولما ملی در.
امنیت نه قدر اولنسه، اگر بر قاعدیه ربط اولنمازسه،
ینه بوش در؛ او آدمدن بر ضرر کلمه ده انتظام سزلق حسسیله
خاجدن کلیر. اما انتظام ایله، قاعده ایله سوء استعمالک اوکی آئیر.
بونک ایچون بو خصوصده صو کدرجه دقت واعتنا لازم در.

شیمدی بروسه کبی مرکزیه یقین بیوک بر شهرده بویله منتظم
بر معارف جمعیتی تأسیس اولنورسه بونک تأمین ایده جکی منافع نه قدر
بیوک اولور.

پاره یه می محتاج ... دیه جکسکز؛ اصلا. اوکا خیرات اوله رق
صدقه سنی، زکاتی ویره جک بروسه ده پک چوق ارباب حمیت واردر.
صو کرا وصیتلرده اولور. بزم روسیه ده بویله وصیتلر پک چوق اولور.
احمد بک حسینف وفات ایتدیکی زمان اوچیوز بیک روبله وصیت
ایتدی. ایکیوز بیک روبله نک جهت صرفی کوستردی. یوز بیک
روبله ایچون ده دیدی که: «بونلری باتقیه وضع ایتدم. سندی ده بودر.
۹۹ سنه بانقه ده قاله حق. بو مدت ظرفنده تراکم ایدن نما می ایله

کوستریور. شرقک امراض اجتماعی سنی اورته یه دوکیور. لکن
خسته لقی بوتون اعراضیله، ادواریله میدانیه جیقمیلدرکه مداواتی
قابل اولسون، اسبابی بر طرف ایدیلر بیلین.

اثر غایت ساده بر لسان ایله یازلمش، اوت سنه بریسنه رسملر
سریشدیرلمشدر. بن چوقدن بری بو قدر صمیمی، بو قدر مفید،
لکن بو قدر مؤثر کتاب او قودینمی خاطر لایمورم. عربلر «سوزرو حدن
جیقارسه روحه کیرر؛ آغزندن جیقارسه قولاغک حدودینی آشماز.»
دیرلرکه نه قدر طوغرودر! باقیلرسه عبدالرشیدک بایریننده هیج بر صنعت
یوق. هیج بر اینجه لک یوق. لکن هیج بر صنعتک، هیج بر اینجه لکک
روحده حصوله کتیره میه جکی تأثراتی بو طبیعی، صمیمی سوزلر آتی
بر صورتده حاصل ایدیورلر.

ذاتاً حضرتک مجلسی ده اویله دکلی؟ بیکلرجه حضاره قارشى
ایراد ایتدیکی خطبه لرده مملکتته مخصوص شیوه ایله استانبول شیودسنی
منرج ایلیه رک، هیج بر پارلاق جمله دن، مظنن بر ترکیدن امداد
ایسته میه رک غایت آجیق بر لسان ایله یوروتدیکی ملاحظات جماعتی
مسحور ایدیور؛ نامتناهی سویلسه انسانک نامتناهی دکلیه جکی کلیور.
شیمدی بزه بو قدر مهم، بو قدر نافع بر اثر اهدا ایتدیکی ایچون
عبدالرشیده بویوک بویوک تشکرلر ایدر؛ بر آن اول اکمال طبعی ایچون
نه قدر فدا کارلق ممکن ایسه دریغ بویور ماملرینی آیروجه نیازایلر.

محمد عاکف

«خطبه»

۱۵

الحمد لله الذی دعا عباده للعباده * الحمد لله الذی دل المجتهدین علی
طریق السعاده * الحمد لله الذی خص المتقین بالحسنی و زیاده * الحمد لله
علی التوفیق والتأیید * اشهد ان لا اله الا الله امهل العصاه * واشهد ان
سیدنا محمدا حبیب الله ومحبته * اللهم صل وسلم علی هذا النبی وآله
وصحبه ومن والاه * وبه الرجول لائمة الهدایة والتوفیق «اما بعده
فیا عبدالله» هذا شهر الله رجب شهر البرکات والخیرات قد نزل *
وهذه الشهور الا ول قد زالت وانت فی المعاصی لم تزل * وها انابهت
علی المفسد وما احد عنها تحول اورحل * وها هو الوعظ لم ینجح ولم
ینج به رشید * هذا موسم العبادة فغالط نفسك ان کنت تعد العبادة
غلطاً * هذا میزان الاعتدال فعدل حالک فطالما تبعت اعوجاجاً ورکت
شططاً * هذا میدان الصواب فاسلك سبیله واسکت عن الباطل فکم
تکلمت لغطاً * هذا شهر العمل فأحکم اعمالک بالرأس السدید *
ان کنت تعلم ان الموت حق فلماذا عن ذکر الموت فی حیاتک اعرضت *
ان کنت تؤمن بصحة البعث فأین الذی لیوم الحساب قدمت * ان کنت
تخاف من الوقوف بین یدی مولاک فلماذا بالمعاصی علیه اجترأت *
ان کنت تطمع فی الجنة فأین عملک الصالح الحمید * یامن تفرغ للباطل
وملاء کتابه بالقبیح * یامن هو عن قریب سیکون ساکن فی القریح *